



Broj: 09/1-32-026245/26

Tuzla, 11.09.2026.g

Na osnovu člana 16. i 19. Zakona o raseljenim osobama i povratnicima u Tuzlanski kanton i izbjeglicama iz Bosne i Hercegovine („Službene novine Tuzlanskog kantona“ broj: 2/06 i 15/11), tačke X stav 1. Programa o utvrđivanju uslova, kriterija i postupaka za raspodjelu sredstava Budžeta Tuzlanskog kantona za 2026. godinu sa pozicije 23040001 - „Podrška povratku prognanih osoba“ broj: 02/1-11-9159-1/26 od 13.04.2026. godine i Odluke o dopunama Programa o utvrđivanju uslova, kriterija i postupaka za raspodjelu sredstava Budžeta Tuzlanskog kantona za 2026. godinu „Podrška povratku prognanih lica“ broj: 02/1-11-9159-2/26 od 08.09.2026. godine, Ministarstvo za rad, socijalnu politiku i povratak u Vladi Tuzlanskog kantona, objavljuje:

**PONOVLJENI JAVNI POZIV**  
**za dodjelu stipendija uspješnim (redovnim) učenicima srednjih škola sa područja**  
**povratničkih općina/gradova Republike Srpske koji se školuju na području**  
**Federacije Bosne i Hercegovine**

**I. PREDMET PONOVLJENOG JAVNOG POZIVA**

Predmet ponovljenog Javnog poziva je prikupljanje prijava za odabir korisnika grant sredstava za dodjelu stipendija uspješnim (redovnim) učenicima srednjih škola sa područja povratničkih općina/gradova RS-a (Doboj, Modriča, Bosanski Šamac, Vukosavlje, Lopare, Ugljevik, Bijeljina, Zvornik, Šekovići, Osmaci, Milići, Vlasenica, Bratunac i Srebrenica) koji se školuju na području Federacije Bosne i Hercegovine. Sredstva su utvrđena u razdjelu 23, glava 04, potrošačko mjesto 0001 "Podrška povratku prognanih lica" u Budžetu Tuzlanskog kantona za 2026. godinu, u ukupnom iznosu od 77.000,00 KM.

Stipendije se dodjeljuju putem ovog ponovljenog Javnog poziva, u vidu bespovratnih sredstava za sufinansiranje troškova školovanja učenika koji se školuju u Federaciji BiH.

**II. NAZIV PROJEKTA, CILJEVI, KRITERIJI I KORISNICI**

Cilj ponovljenog Javnog poziva je pružiti finansijsku podršku uspješnim (redovnim) učenicima srednjih škola – povratnicima sa područja Republike Srpske koji se školuju u Federaciji Bosne i Hercegovine, kroz dodjelu bespovratnih stipendija u cilju podrške održivom povratku mladih u povratničke zajednice, podsticanja obrazovanja i uspjeha povratničke populacije, smanjenja ekonomskih barijera za školovanje učenika iz socijalno osjetljivih kategorija i jačanja veza između lokalne zajednice i povratničke populacije kroz sistemsku podršku obrazovanju.

Pravo učešća imaju srednjoškolski učenici koji ispunjavaju opće kriterije-uslove.

**Uslovi - opći kriteriji za dodjelu finansijskih sredstava:**

1. Da je učenik državljanin Bosne i Hercegovine,
2. Da se školuje na području FBiH,
3. Da ima status povratnika, odnosno, da se roditelj nalazi u statusu povratnika,
4. Da je u statusu redovnog učenika i
5. Da ima otvoren transakcijski račun banke.

Izbor korisnika će se vršiti putem posebnih kriterija.

**Posebni kriteriji za dodjelu sredstava:**

1. Visina prosjeka ocjena ostvarenih u prethodnoj godini školovanja, a za učenike prvog razreda srednje škole – visina prosjeka ocjena iz završne godine osnovnog školovanja,
2. Broj članova domaćinstva i
3. Pripadnosti ranjivoj kategoriji porodica (učenici bez roditelja ili jednog roditelja, RVI i šehidske porodice).

**Potrebna dokumentacija:**

1. Prijava na javni poziv sa datumom prijave i potpisom (original), Prilog 1
  2. Uvjerjenje o državljanstvu – ne starije od 6 mjeseci (original),
  3. Uvjerjenje da je u tekućoj školskoj godini, upisao godinu i da se nalazi u statusu redovnog učenika (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
  4. Dokaz, (uvjerenje/potvrda) da kandidat/roditelj ima status povratnika u lokalnoj zajednici u kojoj ima prebivalište – ne starije od 6 mjeseci (original),
  5. Dokaz o ostvarenom prosjeku ocjena u prethodnoj godini školovanja, a za učenike prvog razreda srednje škole – dokaz o prosjeku ocjena iz završne godine osnovnog školovanja (dokazom se smatra Uvjerjenje/Potvrda izdata od strane škole - original, ili ovjerena kopija svjedodžbe, Ovjerenom kopijom se smatra ovjera od strane ovlaštene općinske/gradske službe ili notara),
  6. Dokaz o pripadnosti nekoj od socijalno ugroženih kategorija porodica (učenici bez roditelja ili jednog roditelja, RVI i šehidske porodice), (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
  7. Kućna lista (original),
  8. Kopija LK (ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara, a ukoliko se radi o maloljetnom licu, ovjerena kopija LK u tom slučaju se odnosi na roditelja/staratelja),
  9. Dokaz o otvorenom bankovnom/transakcijskom računu (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara, a ukoliko se radi o maloljetnom licu, dokaz o bankovnom/transakcijskom računu u tom slučaju se odnosi na roditelja/staratelja) i
  10. Ovjerena izjava da nisu korisnici stipendije niti su ostvarili pravo na finansijska sredstva po istom osnovu od drugih javnih institucija sa područja Tuzlanskog kantona (original).
- Prilog 2

**Napomena: Budući da ovaj Javni poziv ima status ponovljenog Javnog poziva broj: 09/1-32-013799/26 od 07.05.2026. godine učenici koji su ostvarili pravo na stipendiju**



**Odlukom broj: 09/1-11-022241/26 od 29.07.2026. godine, nemaju pravo učešća u ponovljenom Javnom pozivu.**

**Kandidati će biti ocijenjivani po osnovu posebnih kriterija na sljedeći način:**

1. Visina prosjeka ocjena ostvarena u prethodnoj godini redovnog školovanja:

|                    |          |
|--------------------|----------|
| Prosjek 5          | 8 bodova |
| Prosjek 4,5 do 4,9 | 6 bodova |
| Prosjek 3,5 do 4,4 | 4 bodova |
| Prosjek 2,5 do 3,4 | 3 bodova |
| Prosjek do 2,4     | 1 bod    |

2. Kućna lista:

Za svakog člana domaćinstva po 5 bodova.

3. Pripadnosti nekoj od socijalno ugroženih kategorija:

|                             |          |
|-----------------------------|----------|
| Učenik bez jednog roditelja | 5 bodova |
| Ratni vojni invalid         | 6 bodova |
| Učenik bez oba roditelja    | 8 bodova |
| Šehidska porodica           | 8 bodova |

### **III. NAČIN PODNOŠENJA PRIJAVE**

Prijave sa traženom dokumentacijom podnose se lično ili poštom u zatvorenoj koverti na adresu:

**Ministarstvo za rad, socijalnu politiku i povratak TK**

*Pisarnica Vlade Tuzlanskog kantona*

Fra Grge Martića br. 8, 75000 Tuzla

**Napomena:** Iako Ministarstvo ima svoju službenu adresu na **Rudarska 72, Tuzla**, prijave se predaju u pisarnicu Vlade TK koja se nalazi na adresi Fra Grge Martića br. 8.

Na koverti obavezno naznačiti:

**“Ne otvarati - Prijava na ponovljeni Javni poziv za dodjelu stipendija uspješnim (redovnim) učenicima srednjih škola sa područja povratničkih opština/gradova RS-a”**

Na poledini koverte obavezno navesti ime i prezime podnosioca prijave, adresu i kontakt telefon.

**Prijave koje su neblagovremene, nepotpune ili ne sadrže kompletnu propisanu dokumentaciju izuzimaju se iz daljnje procedure po ponovljenom Javnom pozivu. Dokumenti moraju biti originali ili ovjerene kopije.**

### **IV. PREUZIMANJE PRIJAVE**

Traženi prilozi dostupni su u prostorijama Ministarstva za rad, socijalnu politiku i povratak TK, na web stranici Ministarstva i Vlade TK.

### **V. ROK ZA PODNOŠENJE PRIJAVE**

Rok za dostavu prijave je 15 dana od dana objavljivanja ponovljenog Javnog poziva na web stranici Ministarstva i Vlade TK.

## VI. IZBOR KORISNIKA

Ministar imenuje Komisiju koja će ocjenjivati prijave po zadanim kriterijima.

## VII. OSTALE ODREDBE

Izbor korisnika vršit će se isključivo u skladu s odredbama ponovljenog Javnog poziva i jasno utvrđenim kriterijima. Ukupan broj korisnika stipendije, kao i visina pojedinačne stipendije, bit će utvrđeni na osnovu broja blagovremeno pristiglih i kompletnih prijava, te raspoloživih finansijskih sredstava, s tim da maksimalan iznos stipendije po korisniku ne može prelaziti 1.000,00 KM.

Ministarstvo zadržava pravo da, u slučaju dovoljnog budžeta i ograničenog broja prihvaćenih prijava, svim odabranim kandidatima dodijeli stipendiju u jednakom novčanom iznosu.

Rezultati bodovanja i lista korisnika će biti objavljeni na web stranici Vlade TK ([www.vladatk.gov.ba](http://www.vladatk.gov.ba)) i na web stranici Ministarstva ([www.mrspptk.gov.ba](http://www.mrspptk.gov.ba)).

Nakon objavljivanja preliminarne liste nezadovoljni aplikanti mogu podnijeti prigovor ministru za rad, socijalnu politiku i povratak u roku od osam dana od dana objavljivanja preliminarne liste.


Na osnovu konačne rang-liste, Ministarstvo za rad, socijalnu politiku i povratak Tuzlanskog kantona će sa odabranim kandidatima ili roditeljom/starateljom maloljetnog učenika zaključiti ugovor o stipendiranju, kojim će biti definisana međusobna prava i obaveze.

Stipendije se dodjeljuju kao bespovratna sredstva. Zaključivanjem ugovora o stipendiranju, kandidati se obavezuju da će zadržati status redovnog učenika i da neće istovremeno koristiti sredstva po istom osnovu iz drugih javnih izvora sa područja Tuzlanskog kantona.

U slučaju utvrđivanja nepravilnosti (npr. gubitak statusa redovnog učenika, davanje netačnih podataka, ostvarivanje prava na drugu stipendiju), Ministarstvo zadržava pravo da raskine ugovor i zatraži povrat isplaćenih sredstava.

Kandidati koji ne potpišu ugovor u ostavljenom roku gube pravo na dodjelu sredstava.

Kontakt za dodatne informacije na **mail:** [safet.ibrahimbegovic@tk.kim.ba](mailto:safet.ibrahimbegovic@tk.kim.ba), na broj telefona 035/283-553 ili lično u prostorijama Ministarstva.



MINISTAR

  
Fadil Alić